

argentum viuum geben wird: solches wil
ich thun in ein wol verschlossen saubers
Geschirz vnd vnter einen Ofen/ so mit ei-
ner Mawren vmbgeben ist / einsetzen: als
dann werdet ihr Natura dem Werck / wie
sichs gebühret / weiter zu thun wissen. Sa-
ge euch hiemit von allen meinen Kräfte-
höchsten Danck / daß ihr mich gewürdiget
zu besuchen / vnd eines solchen hohen Gu-
tes einen Erben zu machen: darsür ich euch
die zeit meines Lebens verbunden bin. Wil
derhalben ewrer Lehre folgen / vnd daß ich
diese edle Tinctur von den Elementen / ver-
mittelst göttlichen Willens vnd ewrer
Hülffe erlangen möge mich bemühen.

Ein furher Tractat / genant
Summarium Philosophicum,
Nicolai Flamelli.

Wer da wil Erkenntnis der Metalle
len / vnd gewisse wissenschaft / wie
sie transmutiret vnd eins in das
ander verkehret werde / erlangen / der muß
vor allen dingen erkennen / woraus vnd wie
sie